

九發題辭

黃梁公案無容叅駁。嚙公曰醒去。  
淒涼還討箇寐來。氣爛且待醒時。  
再作理會亦知作理會時。淒涼轉。  
甚耶。九發轉轉呼醒。惟恐夢中境。  
不淒涼。使旅人謾謂真境。而復謀。

之○至○魔○且○殂○也○是○又○作○黃○梁○一○轉○  
語○不○獨○勝○枚○老○一○籌○矣○嘗○感○顏○延○  
之○語○曰○清○者○人○之○正○路○舉○足○淒○涼○  
正○人○同○軌○滿○眼○紅○塵○燵○銷○空○碧○一○  
切○重○輕○猶○多○觭○見○又○爲○支○先○生○下○  
一○转○語○

閔景賢識



快書卷三十八

練江閔景賢士行纂

西湖何偉然仙臞訂

九發

支華平元本

支子躬耕玩世。隱曜含華。樂而忘老。文學過從。謂支子能輕勢也。支子曰。勢固未易輕。輕勢亦未易也。天下勢而已矣。粵自綦絢。騁足于紫陌。紅巾橫發于綠林。衿韋挾藝而競售。窶子操瓢。

九發  
而乞美。車徒馬圍較。織嗇于錙銖。蚊行蠕息。角  
羽股于丘垤。雕題漆齒。賈勇而跳梁。魑魅魍魎。  
躡魑而示崇。亘穹壤間。靡不以勢矣。夫巨石之  
在平地。塊然頑礪耳。及絙之高山之嶺而下之。  
則破廬舍而碎牛羊。斧鏃徑寸。而發機于千鈞。  
之弩。則穿札而洞胸。勢之方來。如轟斯雷。勢之  
既去。如水斯逝。勢之所噓。不翼而飛。勢之所吹。  
不寒而慄。勢之所乘。山岳可陵。勢之所攝。江河

可竭。伏險而叱勇者。必絀。憑高而擊智者。必怵。  
故陽虎柄魯而宣尼乃遁。于魑子與宿晝而王  
驩長貴于齊。賈生曳長沙之裾。而鄧通乃擅銅  
山。田蚡極田園之饒。而仲舒終老江都。韓蘇文  
絕百代。卒困于讒。而逢吉。惇卞以顯。李杜詩追  
風雅。迄罹擯斥。而安史。鴟張得所。憑則鼠變爲  
虎。失所恃。則鳳衰于梟。勢利之于人。甚矣哉。天  
澤定分。堂構相承。自無眇論。乃若鶴鴿聲斷。變

故萌生寤生得據而共段出奔瀛館謀深而建  
成蹠血陳思其豆之詠春華竟萎晉邸斧聲之  
醜金匱徒盟擲火者忌其重名射牛者詫爲異  
事旣愧分荆之誼祇慙尺布之謠越惟同庖亦  
稱怨耦妻乘夫而鹿車不歸夫軋妻而黃金買  
賦鸞鏡改顏而珠翠無色屢屢追昔而浣濯何  
能五十歲富貴可埃睠然去之天壤間乃有王  
郎啜其泣矣洎揀娣者素薄之崔員還樞者落

此上版一頁  
左錢字

托之杜倩倒履傾筐絕憐郗氏檳榔消食勿訝  
劉生風塵乍困物奚藉于七駝旄節代任幸未  
填于溝壑何莫由斯勢也矧彼友人尤同市道  
匪勢曷聚匪勢曷資白犬丹雞空矢盟于車笠  
紵衣縞帶敢希蹤于僑札策馬天衢悵相逢之  
莫識金閨通籍嗟對面之雲泥張陳終凶蕭朱  
末隙甚者接席齊驅而意量冷暖同閭等貴而  
謬別雌黃事方倚重殆隳膽而抽腸志旣獨伸

遂獸奔而鳥舉。證曾參以殺人而快其投杼。落良朋于管井而更爲下石。由今以譚殆蜴虺之同穴。奚闐闐之足倫。甚乎哉。勢之移人乎。則如之何其能輕之也。勢者人爲之也。故時重而時輕。道者我爲之也。故無輕而無重。勢輕則人爭輕之。而我重。我能居無重而毋輕其所輕。則勢輕。勢重則人爭重之。而我亦重。我能毋爲輕而益重。吾所輕則勢輕。輕勢而我弗重。則彼且夾所重以輕我。而彼益重。輕勢而我弗輕。則彼亦乘所重以輕我。而我益輕。在勢者不厭重而重爲輕。根輕勢者不厭輕而輕爲重。君故知重。重毋輕。輕斯可以輕勢矣。

文學曰。先生謂勢弗可輕乎。宣尼之浮雲。子輿之襍題。謂何。支子曰。知以無涯傷性。心以嗜好蕩真。輕勢則神無累。輕利則知不昏。顧不貴輕哉。雲淨天空。萬籟一碧。浮雲掩靄。白日晦冥。宣

尼之喻。蓋思掃清之弗迅。而靈扃之終蔽也。椽  
題車乘母。乃太豔乎。不有敝屣者乎。屣猶附體  
如距斯脫。厥足用傷。是尚爲能脫然乎。其唯老  
子乎其言曰。吾無身。吾有何患。語無身。則輕之  
至矣。

文學曰。吾非謂勢可卒去。而利可盡捐也。惡鶩  
勢者之競進。而欲利無厭也。支子曰。子不見蜣  
螂之弄丸乎。獲糞穢而照之膺。精與注而神與

凝。丸成而枵然亡身也。又不見蟻喻之務進乎。  
緣壁而上。濡涎冥升。涎枯殼堅。質朽而腐。其進  
也。弗虞其退也。其枯也。實兆于升也。鶩勢者爭  
前而罔顧後。怙勢者足已而不見人。罔利者覬  
盈而不知敗。緣蔓而升者。踰伏之盜也。詭營而  
入者。索彪之奸也。癡黠而守者。李赤之溺也。非  
分而據者。橙醒之妖也。役慧多營。舐脂充腹。峻  
稜震電。駘愚誑。懷伎以蔽賢。含懟而射影。僞

散○以○巧○聚○昵○慝○以○誨○奸○礪○齒○牙○樹○胥○頰○拮○唇○吻○  
聳○尻○睢○遇○祖○考○而○醜○醜○其○狀○對○妻○孥○而○乳○虎○其○  
聲○居○鄉○井○而○侏○僂○其○語○其○進○彌○銳○其○枯○彌○亟○其○  
丸○愈○實○其○身○愈○朽○擢○筋○肋○以○蓋○人○人○弗○與○也○憑○  
靈○爽○以○從○欲○神○弗○福○也○丘○訴○曰○明○府○所○以○尊○寵○  
人○者○極○于○功○曹○所○以○榮○貴○人○者○已○于○孝○廉○一○極○  
一○已○皆○訴○所○不○屑○也○然○則○無○扶○風○之○勢○無○功○曹○  
之○尊○無○孝○廉○之○榮○而○鼓○氣○箴○以○加○人○亦○可○以○少○

戢○矣○君○子○誠○覽○氣○序○之○推○移○鑒○榮○謝○之○大○較○鴻○  
漸○之○羽○遠○跡○羊○豕○之○間○鳳○覽○之○輝○獨○翔○千○仞○之○  
上○飛○蠖○法○之○龍○蛇○進○退○等○之○蟬○蛻○道○以○持○勢○則○  
見○道○不○見○勢○而○勢○輕○勢○輕○而○勢○載○于○道○而○終○無○  
輕○斯○深○于○勢○者○也○

文學曰○務勢者吾不暇尤已○獨尤夫附翼鼓煽  
之者耳○支子曰○人聞長安之樂者○向西壩而長  
笑○知肉味之美者○過屠門而大嚼○西壩非長安○



而肉未染指也。意溺于好，而神徂焉。蛾之企明而啜也，其音喁喁，其翅芄芄，竊炎光以爲榮。玄駒赴羶，青蠅集腐，赤虫吮血，魄僵魂越，豎弗畏死，矧彼宵人，柔情愿貌，山險瀾狂，祕其跡，籠人以術，殫其智，啖人以嗜，縈繾綣于涕洟，示悃悞于顰笑，綴恩于葭葦，締義于鴻雁，荆美宅以成居，獻良田以逢惡，困積粟薪，以竢其需，烹鼈鱸以鯉，以適其口，而又多其偵伺，巧其將迎，醲鮮以

厭其左右，淫巧以結其細，君意之所向，則梯膏涉泉，旨之所嫉，則裂膚抵瘠，令鋼腸條易而繞指，冷顏頓轉而燠，咻崇步闕，視者見之而解，願耽榮，酬利者遂沈湎而濡首矣。蓋勢者重，附勢者亦重，兩相重而互爲客，睢以憑陵，百物則勢者病，勢者輕，附勢者重，附附者亦重，遞相附則遞相重，而遞逞其欲，則勢者尤病，重之極而勢不得不輕，迨其旣輕，而勢者附者交相病矣。君

子蠲世氛。杜欲竇門。絕居間之賓。庭鮮嗟倭之  
夫。矯虔者束於型范。饕餮者遠於千里。姣美不  
以入目。阿堵勿以出口。則我輕勢而人不我輕。  
我自重而人益我重矣。

文學曰。今之勢者。謬自居重。視附者不啻蟻蠊。  
吾見破產以附勢者矣。未見勢者之利人也。彼  
附者亦奚利焉。而殫財力以趨之也。支子曰。長  
安有執蓋者。日邇貴人而庇之。耳相摩。肩相接。

也。俄而貴人怒。鞭而逐之。歸而誇于妻孥。諗于  
嫫。黨且媿媿。貴人由是也。貴人死。骨且朽。而媿  
媿由是也。貴主宴賓。佐饗者。齶餘腥。而鼻飼之。  
有餘酣焉。而屬佐饗之。垣者聞其豆登。悉其羹。  
蔽而耳食之。又充然飽也。爾以號于人人。道聽  
者強記其豆登。羹蔽之。目而口涎。喉嚨若陟降。  
貴主之席。而屬厭焉。民有耕于斥澤者。夜見青  
燐。光如炬火。大如車。謂其地有藏金。且不貲。歸

率其婦子而掘之。掘且及泉而不得金。且掘且祝。芒芒然憊且病。死甘之矣。今之附勢者。其媿媿則執蓋也。其厭飽則貴主之餘馨也。其卒無所利。則耕者之惑于憐矣。烏乎利。烏乎非利。文學曰。勢衰利盡。委而棄之。若遺跡焉。是可忍也。支子曰。文學何見事之晚也。春芳卉菲。撻末紛飛。露葉霜歲。織多靡遺。社祭墦乞者。纍纍徹皎。遙歸鳥集。猿啼。曾。是。逐。臭。之。兒。而。可。與。語。歲。

寒之誼乎。卽吾所睹。厥有貴士。惟耽是貨。射利畏門。借聲炎戶。一朝天絕。覆加讒妬。亦有富兒。倒囊捐助。締義連姻。萬死莫負。金盡身榮。情如朝露。翟雀盈虛。田館聚散。從古以然。于今爲甚。文學曰。勢弗可恒。疇其傾之。交弗可久。疇其渙之。支子曰。登蜃樓者。不浹辰。而陡滅。翫彩雲者。不交睫。而倏散。今夫火燄燄而炎炎。而燎原。終木盡而消燼。今夫水涓涓而漸漸。而滔天。終于

一決而涸其源。數無常偶。亦無常奇。物無終大。亦無終細。中昃屢移。盈虧交擅。青陽素霰。景曜潛易。若木崦嵫。曦影對峙。故今曩異。遘旦暮易位。有少亨而晚否。有考盛而裔衰。有陽回于燕谷。有返晷于魯戈。勢以久而後定。德必熟而後興。呂牙八表而鼓刀。以升伊摯。七十二說而爲商倚。平孫刖足而擒龐。睢折脇而侯于羸。至若金谷丘墟。鄱塢凌夷。蘇章飢屋。轉眼自罹。丁寇

鯨波。接踵追隨。低昂互持。疇測其倪。

文學曰。允若茲。則勢亦奚足恃。而亦奚足附哉。支子曰。昔有宿于逆旅者。夢遊鈞天。爵以上公。棟宇連雲。黃白璀璨。二八韶齒。翔雲迴風。綺繡霞裾。遞進擬躬。麟脯鳳魚。入口未斂。豎子擊鐻。一震而覺。旅人大惋。謾謂真境。而謀復之。逐豎獨寢。蒙被索夢。神動心疲。爲魔所憑。覆見魘魅。困莫與呼。遂以魘俎。楚有達人。田于雲澤。風烈

雨注。儕侶皆思。達人曰。毋畏。姑徐徐焉。有飄風驟雨。而終朝不止者乎。須臾開霽。安步而歸。時有樵夫。倚樹自蔽。大風拔木。迄以身斃。勢去而更怙之。見勢而強附之者。其若人之儔乎。夫勢奚足怙也。其重也。夫孰與輕。彼復炫其重。故重極而不得不輕。其輕也。不期輕而自輕。乃強拂輕以徼重。而愈輕。人方疾其重。而更爲重。違世而重。其重乃輕。人爭快其輕。而會于輕。衆所共

輕。其勢乃輕。飈發霧滃。獵金帛而攘田宅者。宛若蝶夢之紛馳。暗啞叱咤。軋朋侶而凌先進者。已中達人之朗識。倘能割歆席而墨守。挺紅塵而嶽立。雖未獲重。亦莫我輕。

文學曰。今之勢者。且環四海以爲鑪。萃萬彙以爲冶。欲火燭天。虐燄灼人。卽達人近之。其可嚮。邇支子曰。今之伶優登場。而角觝也。有朱衣象簡。峩然而鵠立者。有介冑執殳。呼號擊撼。猛捷

賈勇者。諸優肅然聽命。頤指而駿走。靡敢抵牾。卽鑪冶灼焰之勢。宜不過是。洎酒罷曲終。孱然故優也。嬰之旣孩也。羅珠璧金珰。以爲晬盤而娛之。孩者盤辟遶弄。過目而化了。無歆羨無係吝者。其天全也。以赤子之心。視利而觀勢于伶安往而不達哉。

文學曰。茲欲使勢無我輕。無人輕。而人卒莫之輕。奚術可。支子曰。欲人無輕我。毋輕人。欲我無

輕。毋若輕輕。東鄰殺牛。鼓鐘鐺鐺。西鄰惡之。蕩而之。洛陽之市。簫鼓如雷。酒如澠。肉如林。人莫之惡者。不我以也。故虛舟者。化福之方。深藏者。良賈之術。忌生于昵。怨深于恩。無貴則賤者。不妬。無富則貧者。不爭。無輕勢。無輕輕。則莫之輕矣。吾嘗登清廟之上。門扉之所歷。靡弗訶也。堂廉之所陟。靡弗闕也。肩輿而遊華山之麓。其孰訶而孰闕哉。而意之所寓。有未適者。目之所矚。

有未周者。肩于人也。舍車而縱步。以陟其巔。肝  
衡四眺。靡所弗愜矣。嘗獲百錢。授豎子守。而時  
出之。不能無生得失。手緘而汲于井。愈汲而愈  
新。勢者人爲之也。未有不輕者也。故不晰于人  
我者。不可以恃勢。不詣于虛冲者。不可以輕勢。  
恬其性。喪其形。斂之不縮。放之不盈。人皆彼趨。  
我以委蛇。人皆攘攘。我乃熙熙。躋榮握要。吾安  
吾故。山裂川滿。吾率吾素。其燄熏天。而心寒于  
水。其背敵斗。而視如遺矢。人而我重。如龍興而  
雲從。人或我輕。若反舌之無聲。昔人云。不復知  
有我。安知物與貴。

文學曰。先生之言。勢也。綜天道。核物情。惇哉。辨  
乎。其蔑可尚矣。顧吾身。儼然莫之寬也。先生盍  
爲我振之。支子曰。宋有玄曼氏者。駢脇猿臂。挈  
千鈞之鼎。而馳百里。猶赫蹏也。俄有宋亡。其鼎  
遂大疑。玄曼氏將窮其廬。而索之。恚且諍曰。獲

盜且縣諸革囊而射磔之以殉。玄旻氏大窘，叩無始丈人而問計焉。無始丈人曰：宋之郟鼎亡矣。所盜者贗鼎耳。其欵識弗經，其質理惡，是冶人之敗鐵滓也。盜者過而攫之，吾有鼎書焉。軒轅氏之所著也。子以縣諸國門，宋鼎且出。書既縣，盜者竊睨而歸，以質諸宋。鼎無當也。相與謀曰：是敗鐵滓也，而藏之奚利焉？且大獲戾，遂昇而棄諸秦厲之壇。宋王獲之，以質諸書，無當也。

巫銷之文學曰：命之矣。吾徒讀鼎書而輕挈鼎耳。吾無盜鼎。



九

卷三

一

論

文與日命久入耳中



國家圖書館, NATIONAL CENTRAL LIBRARY, TAIWAN, R.O.C.